



Table 1	2015
Populasaun, millaun	1.2
PIB, atual US\$ biliaun	1.5
PIB per kapita atual US\$ bilaun	1158
Taxa kiak nasional %	41.8
Matrikula eskola %	96.6
Esperansa Moris Nian (tinan)	68.3

Rezumu

Timor-Leste hasoru perspektiva ida nebe totalmente lahanesan ho ninia pasadu foin lalais liu ba. Uluk nudar nasaun ida iha mundu nebe depende liu ba minarai, bele sai nudar pais pos-minarai iha tempo badak liu iha tinan lima nia laran. Nasaun investe makas iha infraestruturadomestika ho osan nebe rai ho didiak. Enkuantu ekonomia domestika nian sei atrazadu nafatin, servisu reforma nian hahu hatudu rezultadu, ho dalan FDI hahu mosu. Timor-Leste tenke uza ninia rekursu nebe limitadu ho forma ida ke efektivu no implementa reforma esensial hodi apoia ekonomia ida nebe diversifikada liu.

Dezenvolvimentu foin lalais

Estimativa nebe foin hotu lalais liuba hatudu kata kiak nasional iha pursentu 41.8 iha 2014, tun husi pursentu 50 iha 2017.

Enkuantu produsaun husi sector minarai iha tasi sae makas iha 2013 no hahu tun lalais los, ekonomia domestika barak tebes maka hakotu ligasaun ho tendensia husi sektor ne, alem husi aproveitamentu fiskal husi reseita minarai. Dezenvolvimentu ekonomiku iha ekonomia naun-pretolifera iha parte barak hetan apoia husi programa investimentu publiku nebe finansia husi reseitas minarai nian. Ekonomiasae pursentu 5.9 iha 2014 ho projesaun ida ho pursentu 4.3 iha 2015.

Programa Nasional ba estrada publiku ho projetus seluk hasae dezenvolvimentu iha area konstrusaun no atividade nebe iha relasaun ba, enkuantu melloramentu

ikus nian iha kobertura enerjia eletrika iha nasaun laran tomak fo mos apoia liu tan ba atividade ekonomika. Presu inflasaun konsumidor sae as liu zero uitoan iha 2014 no 2015 iha dolar Americano, nudar osan ofisial Timor-Leste nian, kontinua diak hodi mantem folin sasan importa nian kik no tun. Enkuantu hakanek merkadu exportasaun nebe iha dadaun, hanesan kafe no projesaun atividade foun sira nebe orienta ba exportasaun, osan nebe forte mos bele hodi lukru kurtu-prazu ida iha merkadu iha rai-laran.

Kuaze hahu kedas husi independensia, Timor-Leste sai nudar nasaun ida nebe depende ba minarai, ho produsaun minarai halo GDP (Produto Internu Bruto ka PIB)) nia total sae ba pursentu 85 no reseitas governu nian husi sector minarai sae to'o 50 x liu level reseitas domestika nian wainhira iha nia maximu.

Iha 2015, reseitas governu nian husi sector minarai nian iha deit US\$1 biliaun nia okos uitoan, 1/3 husi nivel as iha 2013 nian. Enkuantu reseitas sofre husi folin minarai nebe monu, produsaun husi posu nebe iha dadaun hahu tun ho produsaun, tun husi baril 60 milloens iha 2013 ba projesaun ida ho baril 40 milloens iha 2016. Nu entantu reseitas minarai nian nebe halot didiak iha fundu soberanu, fundu petroliferu, no nasaun agora iha USD \$16 bilioes nebe rai hela. Rekursu hirak ne'e iha folin kritiku tebes ba finansiamentu Timor-Leste nia transisaun nebe lalais ba level dezenvolvimentu ida as wainhira gasta ho didiak.

Sector minarai nebe tun halo orsamentu governu nian muda lais los husi orsamentu global surplus ho pursentu 40 iha 2013 ba defise ida ho pursentu 10 iha 2015. Tuir lei, governu publika tinan-tinan estimativa ida husi osan nebe hetan audit independente nebe bele foti ho kontinuidade tinan-tinan husi fundu ho maneira ida sustentavel. Valor osan ne'e iha mais-ou-menus USD\$500 milloens, maibe sei monu makas kada tinan desde ke governu foti boot liu kapital fundu nian.

Programa despezas governu nian nebe boot mai husi ambisaun ida atu hadia infraestruturapublika nasaun nian, ho fim atu haburas investimentu sector privadu no dudu kresimentu perspektiva longu-prazu nian. Enkuantu ida ne, em prensipiu reprezenta estrategia ekonomia ida diak ba kapital, depende ba qualidade investimentu nebe halo daudaun, no investimentu publiku ida ne'e nudar duni restrisaun nebe kesi dezenvolvimentu ba sector privadu. Iha indikasoens kona ba kapasidade nebe limitadu liu atu implementa programa, ho taxa ezekusaun ba orsamentu infraestruturanebe kik no folin nebe sae as bebeik ba servisu konstrusaun. Kombinasau husi investimentu marginal ho folin nebe as mos hamosu pergunta

importante ba kualidade no priorizasaun husi programa investimentu.

30km husi dalan ida nebe halao daudaun iha area nebe povu moris ladun barak, iha area rurais nasaun nian kusta mais-ou-menus US\$10 milloens ba kilometru ida (kompara ho padraun folin US\$1-2 milloens).

Timor-Leste nia produitu exportasaun naun-petrolifera nebe boot mak kafe. Folin no volume exportasaun nian monu husi US\$18,8 milloens (34m kg) iha 2012 ba US\$13.8 (10.2m kg) iha 2014 ho produsaun nebe rekupera iha 2015 US\$15.2 milloens (19.2m kg). Iha geral, konta surplus actual monu hamutuk ho exportasaun minarai, husi porsentu 44 PIB (Produto Internu Bruto) nian iha 2013 ba porsentu 13 iha 2015.

Perspectiva

Iha 2016 no 2017, iha ekspektativa kresimentu domestiku sei kontinua iha faixa ida hanesan tinan rua liu ba, ho provisao kresimentu iha porsentu 5.0 no 5,5, ida-idak. Enkuantu gastus makas governu nian, liu-liu iha area infraestrutur, sei kontinua estimula kresimentu, investimentu directu estrangeiru (FDI) sei sae mos. Governu foin lalais asina ninia kontratu dahuluk ba Parseria Publiku-Privadu nebe sei hare operador internasional investe US\$150 milloens ba konstrusaun Portu kontentor nian besik iha Kapital sidade. Konstrusaun mos hahu ho fabrika Heineken ida, no potensial investor seluk hahu hatudu interese iha sektor seluk-seluk.

Dezenvolvimentu ekonomia domestiku sei sai esensial / importante tebes. No laiha kampu petroliferu foun nebe dezenvolve hela no posu tuan nebe sei hotu lalais, Timor-Leste espera atu sai nasaun naun-petroliferu iha tempo badak tinan lima nia laran. Produsaun minarai, exportasaun no valor brutu aumenta husi sector mina tasi laran sei tun makas no lais iha kada tinan iha tinan hirak tuir mai.

Governu foin lalais ne hatama orsamentu suplementar ba tinan fiscal aktual hodi ajusta despezas adisional nebe finansia husi levantamentu esesu iha fundu minarai nian. Hanesan rezultadu, defise orsamentu sei boot liu porsentu 20 PIB (Produto Internu Bruto) nian iha 2016. Iha 2017 defise orsamentu nian bele hare ona katak sei boot liu tan tamba reseitas husi sector minarai nia tun.

Risku no dezafius

Governu halo focus ba kuantidade ida konsideravel iha ninia rekursu sira no focus political agenda iha apoiu melloramentu iha infraestrutur fisika nasional. Alkansa resultado nebe diak nudar impaktu ekonomiku no sosial nebe dura, sei ejije gestaun efikaz ida iha programa investimentu publiku hodi asegura katak projetus sira hetan prioridade ba projectus neb iha retornu as no apoiu progresu nebe estavel no lais tuir dalan dezenvolvimentu ida nebe viavel. Servisu ida ne'e presiza halo planu ida ho kuidadu tebes, apoiu husi analise ida ke diak, inklui investimentu kumplementariu iha dezenvolvimentu skill no adoptasaun teknologia atu asegura katak investimentu infraestrutur "pay-off" a'as. Introdusaun kualidade no hadia produktividade teknolojia iha produsaun kafe, pur exemplu, bele benefesia agricultores ki'ik barak.

Financial asset nebe existe hela mos tenke ser uza ho efikaz tebes. Estratejia investimentu fundu petroliferu tenke lao hanesan ho oinsa Governu uza fundus. Mudansa foun hodi investe makas iha asoens ho risku boot hare nudar kontradisaun ho Governu nia planu foti osan kapital fundus nian iha prazu-badak nia laran. Asegura retornu, mesmo ke simples ida, sai nudar prioridade ida. Relatoriu finanseiru hatudu katak fundu petroliferu iha prejuizu likidu iha nia asset iha 2015. Enkuantu Timor-Leste enfrenta lacuna iha infraestrutur ida ke difisil tebes, iha konstranjimentu seluk-seluk maka presiza hadia hodi apoiu kresimentu inklusivu-lidera husi sector privadu.

Timor-Leste sei iha klasifikasaun nafatin nudar rai ida iha mundu ho regulamentu ambiente nian menus favoravel ba negosiu. Falta husi funsaun Sistema governu nian hodi identifika, regista, resoluasaun ba problema rai halo sai difisil liu hodi asegura titulu nain ba rai ida, no difisil hodi hare oinsa empresas sira bele kompromete atu investe iha kontektu ne'e. Falta lei atu regula exekusaun kontratus komersiais no kreditu nian mos halo halao negosiu sai difisil liu tan. Enkuantu Timor-Leste iha buat barak atu oferese, esforsu makas presiza hodi resolve konstranjimentu kritiku hirak ne'e antes ke bele hein realistikamente atu dada investimentu estranjeiru ho eskala-bo'ot no dudu empresas nasional sira.